



Broj: 01/14-11-330-4/24
Sarajevo, 22.03.2024. godine

Na osnovu člana 70. stav (1) Zakona o javnim nabavkama BiH ("Službeni glasnik BiH", broj: 39/14 i 59/22), a u vezi sa članom 79. Statuta Grada Sarajeva ("Službene novine Kantona Sarajevo", broj: 07/23), gradonačelnica Grada Sarajeva, donosi

O D L U K U

o izboru najpovoljnijeg ponuđača putem Otvorenog postupka

I

Prihvata se ponuda ponuđača HORTICAL d.o.o. Konjic, Maršala Tita bb., 88400 Konjic, kao jedina prihvatljiva ponuda za: ***"Održavanje korita rijeke Miljacke od Bentbaše do mosta u ulici Kurta Schorka – Košenje trave sa izgrabljivanjem na kosinama regulacije korita rijeke Miljacke, čišćenje korita od smeća i kabastog otpada, krčenje šiblja i niskog rastinja"***, sa ponuđenom cijenom od 179.720,00 KM bez PDV-a, u postupku provođenja javne nabavke putem Otvorenog postupka.

II

Sa ponuđačem HORTICAL d.o.o. Konjic, Maršala Tita bb., 88400 Konjic, zaključit će se Ugovor o pružanju usluge iz tačke I ove Odluke.

III

Ova odluka stupa na snagu danom donošenja.

Obrazloženje

Odlukom broj: 01/14-11-330-2/24 od 21.02.2024. godine pokrenut je postupak javne nabavke za: ***"Održavanje korita rijeke Miljacke od Bentbaše do mosta u ulici Kurta Schorka – Košenje trave sa izgrabljivanjem na kosinama regulacije korita rijeke Miljacke, čišćenje korita od smeća i kabastog otpada, krčenje šiblja i niskog rastinja"***, putem Otvorenog postupka.

Obavještenje o nabavci objavljeno je na portalu Agencije za javne nabavke broj: 1278-1-2-67-3-18/24 dana 27.02.2024. godine, dok je sažetak obavještenja o nabavci objavljen u Službenom glasniku Bosne i Hercegovine broj: 17/24, dana 08.03.2024. godine. Sa portala Agencije za javne nabavke tendersku dokumentaciju je preuzelo 12 ponuđača.

U određenom roku za dostavljanje ponuda na protokolu ugovornog organa zaprimljene su ukupno tri ponude, i to kako slijedi:

- GREEN SERVIS d.o.o. Sarajevo, Petrakijina 24, 71000 Sarajevo, zaprimljena 19.03.2024. godine, pod brojem: 14-11-2754/24,
- HORTICAL d.o.o., Maršala Tita bb., 88400 Konjic, zaprimljena 19.03.2024. godine, pod brojem: 14-11-2755/24,
- Konzorcij HL GRADNJA d.o.o. Sarajevo i „HARYSCO“ d.o.o. Sarajevo, ovlašteni predstavnik grupe ponuđača: HL GRADNJA d.o.o. Sarajevo, Bihaćka 1, 71000 Sarajevo, zaprimljena 19.03.2024. godine, pod brojem: 14-11-2793/24.

Adresa: Hamdije Kreševljakovića 3

71 000 Sarajevo

Tel.: +387 33 407 443

Fax: +387 33 208 341

Email: grad@sarajevo.ba

Web: www.sarajevo.ba



Komisija za javnu nabavku imenovana Rješenjem gradonačelnice Grada Sarajeva broj: 01/14-11-653/24 od 19.01.2024. godine, na sastanku održanom dana 19.03.2024. godine pristupila je otvaranju zaprimljenih ponuda.

Nakon otvaranja ponuda, izvršena je detaljna analiza istih, gdje je utvrđeno sljedeće:

- 1) da ponuđač GREEN SERVIS d.o.o. Sarajevo, Petrakijina 24, 71000 Sarajevo, nije dostavio ponudu u skladu sa tenderskom dokumentacijom, odnosno da je isti dostavio spisak od dva izvršena ugovora iz tačke 3.3.2. a) TD, dok je istom precizirano da *ponuđači trebaju ispunjavati minimalne uslove za kvalifikaciju i to: dostavljanje dokumentacije kojom se utvrđuje uspješno iskustvo u realizaciji najmanje 3(tri) ugovora u prethodne 3(tri) godine na istim ili sličnim poslovima*, ukupne vrijednosti najmanje 100.000,00 KM bez PDV-a, od čega 1 (jedan) ugovor mora biti minimalne vrijednosti 50.000,00 KM bez PDV-a.
- 2) da je ponuđač HORTICAL d.o.o., Maršala Tita b.b., 88400 Konjic, dostavio ponudu u skladu sa zahtjevima ugovornog organa, odnosno u skladu sa tenderskom dokumentacijom, te da cijena prispjele ponude iznosi: 179.720,00 KM bez PDV-a, odnosno 210.272,40 KM sa uključenim PDV-om.
- 3) da ponuda Konzorcija koji čine HL GRADNJA d.o.o. Sarajevo i „HARYSCO“ d.o.o. Sarajevo, nije dostavljena u skladu sa tenderskom dokumentacijom, odnosno da je isti dostavio potpisan i ovjeren, ali ne i popunjen Nacrt ugovora iz tačke 6.1 TD, iako je naprijed navedenom tačkom precizirano da *ponuđači trebaju popuniti nacrt ugovora sa svojim podacima i detaljima koji su sadržani u ponudi(generalije ponuđača, cijena)* te isti potpisati i ovjeriti te priložiti uz ponudu skupa sa ostalim dokumentima iz TD.

Obavještenjem o nabavci kao i tenderskom dokumentacijom u ovom postupku javne nabavke, ugovorni organ je predvidio provođenje e-aukcije putem portala Agencije za javnu nabavku, međutim uzimajući u obzir da su 2 (dvije) od ukupno 3 (tri) zaprimljene ponude, ocijenjene kao neprihvatljive, e-aukcija se nije ni provodila.

Komisija za javnu nabavku sačinila je zapisnik o pregledu i ocjeni ponuda od 21.03.2024. godine, te je dala preporuku gradonačelnici Grada Sarajeva da se ugovor za:

“Održavanje korita rijeke Miljacke od Bentbaše do mosta u ulici Kurta Schorka – Košenje trave sa izgrablivanjem na kosinama regulacije korita rijeke Miljacke, čišćenje korita od smeća i kabastog otpada, krčenje šiblja i niskog rastinja” dodjeli ponuđaču HORTICAL d.o.o. Konjic, Maršala Tita bb., 88400 Konjic, koji je jedini dostavio prihvatljivu ponudu sa ponuđenom cijenom od: 179.720,00 KM bez PDV-a, odnosno 210.272,40 KM sa uključenim PDV-om.

Izabrani ponuđač je u obavezi da ugovornom organu dostavi u roku od 5 (pet) dana, od dana obavještenja da je izabran kao najpovoljniji ponuđač, ostalu dokumentaciju koja je propisana tenderskom dokumentacijom.

U postupku donošenja Odluke, posebno su ocijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu prispjelih ponuda, u skladu sa kriterijima iz tenderske dokumentacije. U postupku ocjene provedenog postupka

Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Prihvatajući preporuku Komisije Gradonačelnica Grada Sarajeva donosi ovu Odluku.

Pouka o pravnom lijeku:

Ponuđači koji su učestvovali u postupku javne nabavke mogu radi zaštite svojih prava i pravnih interesa u roku od 10 (deset) dana od prijema obavijesti (odluke) o izboru najpovoljnijeg ponuđača izjaviti žalbu Uredu za razmatranje žalbi putem ugovornog organa u dovoljnom broju primjeraka.

Gradonačelnica Grada Sarajeva

Prof. dr. Benjamina Karić

Dostaviti:

- ponuđačima,
- a/a.

Za zakonitost odgovaraju:

Stručna obrada: Nermina Šehović-Sulimanovski,

Rukovodilac Stručne službe za poslove kabineta i poslove Gradske uprave: Dženana Šarčević.